

nende Hofgesind / neben vielen andern leuten / mit
angehört vnd gesehen / auch sich dessen ihs vnd
hinfürder werden zuerinnern wissen.

Sein ganzes alter erstrecket sich auff 59. Jahr /
6. Wochen vnd 4. Tage. Er hat zwar sein *Climae-
tericum heroicum*, das 56. Jahr vberstanden / aber
das *Climactericum magnum*, welches ist 63. Jahr /
nicht erreichen können. Ist aber in wahrer Gottes-
furcht / in rechtem erkendnuß Gottes vnd sein selb-
sten / in wahrem Glauben an Jesum Christum / sei-
nen Erlöser vnd seligmacher / im 4. Jahr des 9. vnd
nach dem 8. *Climacterico*, seliglichen eingeschlaffen.
Welches erkendnuß auß seiner Herzklichen vnd an-
dechtigen Beichte abzunemen gewesen / die er son-
sten offte / vnd auch etliche wenig Wochen vor sei-
nem Tode gethan hat. Darinnen er mit David /
vnd auch allen heiligen vor einen armen busser-
tigen sündler sich befand / vnd vmb vergebung der
Sünden zu rechter zeit gebeten hat. Psal. 32.

Er glaubete auch festiglich / das Gott gnedig
vnd Barmhertzig were / vnd ihm seine sünde ver-
gebe / vmb Jesu Christi seines Erlösers vnd selig-
machers willen / mit erbittung / durch hülff vnd bey-
stand des heiligen Geistes / das leben zubessern.
Darauff er auch die heilige Absolution mit gewis-
sem